


Vaalisalhausuus ko sie äänestät

Sie et tartte kertoa kelheen mitä sie äänestät. Sie päätät kansa itte mitä sie äänestät.




Yksin ko sie otat sinun vaaliseetelin

Vaaliseetelit oon särmin takana. **Sie piät olla yksin ko sie otat sinun vaaliseetelit** niin ette kukhaan muu ei näe.

Jos sulla oon toimintarajotus elikkä jos sie muista systä tarttet apua, niin sie saatat saaja apua yheltä äänivasthaanottajalta.


Jos sie halvaat saaja apua muulta henkilöltä niin äänivasthaanottajaki pittää olla matkassa. Äänivasthaanottajalla oon salhausuusvelvolisuus.



Yksin vaalisärmin takana

Ko sie olet ottanu sinun vaaliseetelit sie piät laittaa sinun äänen. **Sie piät olla yksin vaalisärmin takana.** Jos sie tarttet apua niin sie saatat kysyä äänivasthaanottajalta.

Jos sie halvaat saaja apua muulta henkilöltä niin äänivasthaanottajaki pittää olla matkassa.



Kukhaan ei saata seurata sinun ääntä

Ko sie olet laittanu sinun äänen niin äänivasthaanottajat ottavat vasthaan sen ja säilyttävät sen yhessä muitten henkilöitten äänitten kansa. Ko sinun ääni räknäthään niin kukhaan ei saata seurata ette se ääni tullee justhiins sulta.

Onkos sulla kysymyksiä?

Kysy äänivasthaanottajalta, ota yhteyttä kunnan vaalilautakunnan kansa elikkä käy osotheela www.val.se.